



## АКТУАР МОЛИЯ ВА БУХГАЛТЕРИЯ ҲИСОБИ ИЛМИЙ ЖУРНАЛИ

Vol. 4 Issue 01 | pp. 233-242 | ISSN: 2181-1865

Available online <https://finance.tsue.uz/index.php/afa>

### «COVID-19» ИНҚИРОЗИДАН КЕЙИНГИ ДАВРДА ЖАҲОН ЭКОТУРИЗМ ИНДУСТРИЯСИ РИВОЖЛАНИШ ҲОЛАТИ ТАҲЛИЛИ



Бахтиёров Бобур Баходир ўғли  
Мирзо Улугбек номидаги Ўзбекистон Миллий университети,  
“Молия ва кредит кафедраси” в.б. доценти, и.ф.д.(DSc)  
E-mail: [bobur.baxtiyorov91@mail.ru](mailto:bobur.baxtiyorov91@mail.ru)

**Аннотация:** Мақолада коронавирус пандемиясининг жаҳон экотуризм индустриясининг ривожланишига таъсири баҳоланиб, инқироз сабабли вужудга келган муаммолар аниқланган.

**Калит сўзлар:** туризм, экотуризм, экотуристлик объектлар, экотуристлик хизматлар, табиий туристик хизмат, турист, экотурист, коронавирус, пандемия.

### АНАЛИЗ СОСТОЯНИЯ РАЗВИТИЯ МИРОВОЙ ИНДУСТРИИ ЭКОТУРИЗМА В ПЕРИОД ПОСЛЕ КРИЗИСА «COVID-19»

Бахтиёров Бобур Баходир ўғли  
Национальный университет Узбекистана имени Мирзо Улугбека

**Аннотация:** В статье оценивается влияние пандемии коронавируса на развитие мировой индустрии экотуризма и выявляются проблемы, возникшие в связи с кризисом.

**Ключевые слова:** туризм, экотуризм, объекты экотуризма, услуги экотуризма, услуги природного туризма, турист, экотурист, коронавирус, пандемия.

### BAKHTIYOROV B.B. ANALYSIS OF THE STATE OF DEVELOPMENT OF THE GLOBAL ECOTOURISM INDUSTRY IN THE PERIOD AFTER THE COVID-19 CRISIS

Baxtiyorov Bobur Baxodir o'g'li  
National University of Uzbekistan named after Mirzo Ulugbek

**Abstract:** The article assesses the impact of the coronavirus pandemic on the development of the global ecotourism industry and identifies the problems that have arisen in connection with the crisis.

**Key words:** tourism, ecotourism, ecotourism objects, ecotourism services, nature tourism services, tourist, ecotourist, coronavirus, pandemic.

## 1. Кириш

Жаҳонда «Covid-19» инқирозидан кейинги даврда туристик хизматлар бозори, жумладан, экотуризм индустриясида жонланиш тенденцияси кузатилмоқда. Халқаро ташкилотлар экспертлари томонидан берилган прогнозларга кўра, халқаро туристик хизматлар бозорида 2023-2027 йилларда спорт, тиббий ва экологик туризм хизматларидан фойдаланиш ҳажми ортиб, соғлом турмуш тарзига асосланган ушбу туристик хизматлар нархининг ўртача йиллик ўсиш кўрсаткичи 12,0 фоизни ташкил этади.<sup>1</sup> Ушбу ҳолат мамлакатларда экологик туризм салоҳиятини барқарор ривожлантириш механизмини илмий ва амалий жиҳатдан такомиллаштириш заруриятини уйғотади.

## 2. Муаммонинг ўрганилганлик даражаси

Иқтисодий адабиётда турли олимлар томонидан ўз мамлакатларининг экотуристтик салоҳиятини баҳолашга қаратилган тадқиқотлар амалга оширилган. Жумладан, С.Қ. Кутлер, М. Сантеиро, Н. Сомерио, А. Авила-Робинсон, А.Г. Асмелаш каби узок хорижлик иқтисодчи олимлар томонидан экотуризм салоҳиятини баҳолашнинг илмий-услубий асосларига бағишланган назарий қарашлар таҳлил этилган.

## 3. Тадқиқот усуллари

Тадқиқот жараёнида гуруҳлаш, тизимли ёндашув, назарий ва амалий ўрганиш, индукция ва дедукция, қиёсий таҳлил усуллари қўлланилган

## 4. Таҳлил ва натижалар

Бугунги кунда жаҳонда 150 дан ортиқ мамлакатлар иқтисодиётида туристик хизматлар соҳасини ривожлантиришга устуворлик қаратилиб келинмоқда.<sup>2</sup> Шу билан биргаликда, туристик хизматлар кўрсатиш соҳаси сўнгги йилларда барқарор иқтисодий ўсиш кўрсаткичларига эга бўлиб келаётганлиги турли мамлакатларда ушбу соҳани ривожлантиришга устуворлик қаратилмоқда. Жаҳон туризм ташкилоти экспертлари томонидан амалга оширилган тадқиқотлар натижаларига кўра, жаҳон ялпи ички маҳсулоти ҳажмида туризм соҳасининг улуши 10 фоизни, халқаро экспорт ҳажмининг 6,0 фоиздан ортиқ қисми туристик хизматлар ҳиссасига тўғри келади. Шунингдек, сўнгги йилларда халқаро туристик хизматлар бозорининг ривожланиш тенденциялари сақланиб қолган тақдирда, 2030 йилда халқаро туристик оқим ҳажми 1,36 млрд. кишига етиши мумкинлиги прогноз қилинмоқда.<sup>3</sup>

Юқорида келтирилган маълумотларга асосланган ҳолда айтиш мумкинки, туризм индустриясининг жаҳон ҳўжалиги, жумладан мамлакатлар иқтисодиётидаги ўрни тобора ортиб бораётганлигидан далолат беради. Таҳлилларга кўра, сўнгги йилларда туристик хизматлар бозорини ривожлантиришга устуворлик қаратилиб келаётган аксарият мамлакатлар иқтисодиётида ЯИМнинг 20-60 фоизи айнан ушбу соҳа ҳиссасига тўғри келаётганлиги, унинг мамлакатлар миллий иқтисодиётини ривожлантиришнинг драйверига айланиб бораётганлигини англатади.

<sup>1</sup> Названы тренды мирового туризма в 2023 году. Ассоциация Туроператоров. 02.03.2023 г. [Электронный ресурс]. URL: <https://www.atorus.ru/node/51583>

<sup>2</sup> Мошняга Е.В. Основные тенденции развития туризма в современном мире // Вестник РМАТ. 2013. № 3. С. 20-34

<sup>3</sup> Логунцова И.В. Индустрия туризма в условиях пандемии коронавируса: вызовы и перспективы // Государственное управление. Электронный вестник. Выпуск № 80. Июнь 2020 г. С. 49-65. . [Электронный ресурс] – URL: [http://e-journal.spa.msu.ru/uploads/vestnik/2020/vipusk\\_80.\\_ijun\\_2020\\_g./problemi\\_upravljenija\\_teorija\\_i\\_praktika/loguntsova.pdf](http://e-journal.spa.msu.ru/uploads/vestnik/2020/vipusk_80._ijun_2020_g./problemi_upravljenija_teorija_i_praktika/loguntsova.pdf)

Халқаро ташкилотлар маълумотларига кўра, жаҳонда «Covid-19» инқирозининг авж олиши натижасида мамлакатларда қатъий карантин чоратадбирларига устуворлик қаратилиши, мамлакатлар чегараларининг ёпилиши туристик хизматлар бозорига сезиларли даражада салбий таъсир кўрсатиб, туристик хизматларга бўлган талаб ҳажмини турли мамлакатларда 90-100 фоизгача қисқариб кетишига олиб келди.<sup>4</sup> Халқаро туристик хизматлар бозорида талаб ҳажмининг пасайиб кетиши турли мамлакатлар туризм индустриясидаги мавжуд иш ўринлари сонининг камайишига олиб келди. Таҳлилларга кўра, Европа Иттифоқи мамлакатлари туризм индустрияси коронавирус пандемияси сабабли жаҳоннинг бошқа мамлакатларига нисбатан энг кўп иш ўрни йўқотган мамлакатлар бўлди. Жумладан, биргина Германия туризм индустриясида коронавирус пандемияси шароитида 1,6 млн. иш ўринлари ёпилди. Шунингдек, кейинги ўринларни Италия, Франция, Буюк Британия мамлакатлари эгаллашди. Европа Иттифоқи мамлакатларидан ташқари Россия, Бразилия, Япония, Ҳиндистон, Индонезия каби мамлакатлар ҳам коронавирус пандемияси шароитида туристик хизматлар кўрсатиш соҳасида иш ўринларининг қисқариши бўйича юқори кўрсаткичларни қайд этишди.<sup>5</sup>

Жаҳон туризм ташкилоти маълумотларига кўра, коронавирус пандемияси шароитида глобал даражада чегараларнинг ёпилиши натижасида халқаро туристик хизматлар бозорининг ривожланиш кўрсаткичи 72 фоизга пасайиб, туризм индустрияси ривожланиш тарихидаги 1990 йилги кўрсаткичларга қайтди. «Covid-19» пандемияси натижасида жаҳон туризм индустриясидаги иш ўринлари сонидagi жами йўқотиш 199 млн.гани ташкил этиб, иш ўринлари сони 319 млн.дан 120 млн.га камайган бўлса, ушбу соҳа кўрган молиявий зарур ҳажми 1 трлн. долл.дан ортиб кетди.<sup>6</sup>

Таҳлилларга кўра, коронавирус пандемияси шароитида жаҳон туризм индустрияси кўрган зарар ҳажми 2008 йилдаги жаҳон молиявий-иқтисодий инқирозига нисбатан 10 баробардан ортиқ кўрсаткични қайд этди. Жумладан, мамлакатлараро чегараларнинг ёпилиши натижасида халқаро туристик оқим ҳажми 900. млн.дан ортганлиги глобал даражада туристик хизматлар бозори даромадларини ҳажмини 935 млрд. долл.га камайди. Бунинг оқибатида жаҳон ЯИМ ҳажмига 2 трлн. долл. зарар етди.<sup>7</sup> Шу сабабли, халқаро экспертлар коронавирус пандемияси даврини туризм ривожланишидаги энг салбий таъсирга эга бўлган инқироз даври сифатида баҳолашмоқда.

<sup>4</sup> Ростуризм разработал комплекс мер для спасения отрасли // Ежедневная электронная газета Российского союза туриндустрии. 14.04.2020 г. [Электронный ресурс] – URL: [https://ratanews.ru/news/news\\_16042020\\_3.stm](https://ratanews.ru/news/news_16042020_3.stm)

<sup>5</sup> Логунцова И.В. Индустрия туризма в условиях пандемии коронавируса: вызовы и перспективы // Государственное управление. Электронный вестник. Выпуск № 80. Июнь 2020 г. С. 49-65. . [Электронный ресурс] – URL: [http://e-journal.spa.msu.ru/uploads/vestnik/2020/vipusk\\_80\\_ijun\\_2020\\_g./problemi\\_upravlenija\\_teorija\\_i\\_praktika/loguntsova.pdf](http://e-journal.spa.msu.ru/uploads/vestnik/2020/vipusk_80_ijun_2020_g./problemi_upravlenija_teorija_i_praktika/loguntsova.pdf)

<sup>6</sup> Туризм (мировой рынок) [электронный ресурс] дата публикации 2023/02/03 [https://www.tadviser.ru/index.php/%D0%A1%D1%82%D0%B0%D1%82%D1%8C%D1%8F:%D0%A2%D1%83%D1%80%D0%B8%D0%B7%D0%BC\\_\(%D0%BC%D0%B8%D1%80%D0%BE%D0%B2%D0%BE%D0%B9\\_%D1%80%D1%8B%D0%BD%D0%BE%D0%BA\)#.D0.9E.D0.B1.D1.8A.D0.B5.D0.BC\\_.D1.80.D1.8B.D0.BD.D0.BA.D0.B0](https://www.tadviser.ru/index.php/%D0%A1%D1%82%D0%B0%D1%82%D1%8C%D1%8F:%D0%A2%D1%83%D1%80%D0%B8%D0%B7%D0%BC_(%D0%BC%D0%B8%D1%80%D0%BE%D0%B2%D0%BE%D0%B9_%D1%80%D1%8B%D0%BD%D0%BE%D0%BA)#.D0.9E.D0.B1.D1.8A.D0.B5.D0.BC_.D1.80.D1.8B.D0.BD.D0.BA.D0.B0)

<sup>7</sup> Tourism back to 1990 levels as arrivals fall by more than 70 %. UNWTO. 17 Dec. 2020. <https://www.unwto.org/news/tourism-back-to-1990-levels-as-arrivals-fall-by-more-than-70>


Жаҳон туризм ташкилоти маълумотларига кўра, коронавирус пандемияси шароитида Осиё ва Тинч океани минтақаси мамлакатларига хорижий туристик оқим ҳажмининг ўсиш тенденцияси 84 фоизга тенг бўлиб, бошқа минтақаларда жойлашган мамлакатларга нисбатан энг юқори кўрсаткични қайд этиб, жаҳон бўйича ўртача кўрсаткичга нисбатан баҳоланганда 12 фоизга юқори бўлди. Шу билан биргаликда, коронавирус пандемиясидан кейинги даврда ҳам ушбу минтақа мамлакатларида халқаро туристик оқим ҳажми кўрсаткичлари жаҳоннинг бошқа мамлакатларига нисбатан қайта тикланиш тенденцияси пастлиги аниқланган (1-жадвалга қаранг)

## 1-жадвал

«Covid-19» пандемиясининг глобал туристик оқим ҳажмига таъсири,  
жаҳон минтақалари бўйича 2019 йилга нисбатан фоизда<sup>8</sup>

	2019 й	2020 й	2021 й	2022 й
Глобал даражада	+4	-72	-69	-37
Осиё ва Тинч океани минтақаси мамлакатлари	+4	-84	-93	-77
Африка мамлакатлари	+2	-73	-72	-35
Яқин Шарқ мамлакатлари	+8	-73	-66	-17
Америка минтақаси мамлакатлари	+2	-68	-63	-35
Европа минтақаси мамлакатлари	+4	-68	-59	-21

Халқаро валюта фонди экспертлари томонидан амалга оширилган тадқиқотлар натижаларига кўра, 2020 йилда халқаро туристик оқим ҳажми 2003 йилда кузатилган «SARS» эпидемиялари авж олган даврга нисбатан 17 фоизга кўпроқ салбий натижани қайд этган. Шу билан биргаликда, улар 2023 йилда халқаро туристик хизматлар бозорининг ривожланиш кўрсаткичлари 2019 йилги кўрсаткичга қайтиши прогноз қилмоқда.<sup>9</sup>



1-расм. Жаҳонда халқаро туристик оқим ҳажмининг қайта тикланиш кўрсаткичи, 2019 йилга нисбатан фоизда<sup>10</sup>


<sup>8</sup> Tourism set to return to pre-pandemic levels in some regions in 2023. UNWTO. 17 Jan. 2023. <https://www.unwto.org/news/tourism-set-to-return-to-pre-pandemic-levels-in-some-regions-in-2023> маълумотлари асосида муаллиф томонидан тузилган

<sup>9</sup> Babii A., Nadeem S. Tourism in a Post-Pandemic World. International Monetary Fund. 26 Feb. 2021. URL: <https://www.imf.org/en/News/Articles/2021/02/24/na022521-how-to-save-travel-and-tourism-in-a-post-pandemic-world>

<sup>10</sup> Impact Assessment of the Covid-19 Outbreak on International Tourism. UNWTO. URL: <https://www.unwto.org/impact>

Таҳлилларга кўра, «G20» мамлакатлари иқтисодиётида туризм соҳасининг ЯИМдаги улуши ўрта ҳисобда 9,5 фоизни ташкил этиб, жами иқтисодиётда бандларнинг 10,0 фоизи ушбу соҳада банд ҳисобланади. Жумладан, Италия, Испания ва Мексика каби мамлакатлар ЯИМда туризм соҳасининг улуши 14,0 фоиздан юқори эканлиги билан характерланади. Коронавирус пандемияси шароитида ушбу мамлакатлар ЯИМ таркибида туризм соҳасининг улуши 2,5-3,5 фоизгача пасайди.<sup>11</sup>

Жаҳон туризм ташкилоти маълумотларига кўра, халқаро туристик оқим ҳажми 2022 йилда 900 млн.ни ташкил этиб, ушбу кўрсаткич 2021 йилга нисбатан 2,0 мартага кўп бўлса, 2019 йилга нисбатан 37 фоизга кам бўлган. Жумладан, Европа Иттифоқи мамлакатларига туристик мақсадларда ташриф буюрганлар сони 2022 йилда 585 млн. кишига етиб, 2019 йилги кўрсаткичнинг 80,0 фоизига тенг бўлди (1-расмга қаранг). Экспертлар томонидан берилган прогнозларга кўра, 2023 йилда халқаро туристик оқим ҳажми 2019 йилги кўрсаткичнинг 80-95 фоизини ташкил этиши кутилмоқда. Ўтказилган тадқиқотлар натижаларига кўра, халқаро туристик оқим ҳажми 2023 йилда 2022 йилга нисбатан сезиларли даражада ижобий тенденцияларга эга бўлишига қарамай, пандемиядан аввалги даврдаги, яъни, 2019 йилги кўрсаткичга 2024 йилдан кейинги йилларда эришиш мумкин бўлади (2-расмга қаранг).



**2-расм. Халқаро туристик хизматлар бозорининг пандемиядан аввалги кўрсаткичга қайтиши бўйича прогноз кўрсаткичлар, 2019 йилга нисбатан фоизда<sup>12</sup>**

assessment-of-the-covid-19-outbreak-on-international-

tourism#:~:text=Export%20revenues%20from%20international%20tourism,from%20US%241%2C300%20in%202020

маълумотлари

асосида муаллиф томонидан тузилган.

<sup>11</sup> Kozlov D.A. Tourism Forecasting. / Textbook. – Seattle: Kindle Direct Publishing, 2021. – 115 p.

<sup>12</sup> Impact Assessment of the Covid-19 Outbreak on International Tourism. UNWTO. URL: <https://www.unwto.org/impact-assessment-of-the-covid-19-outbreak-on-international-tourism#:~:text=Export%20revenues%20from%20international%20tourism,from%20US%241%2C300%20in%202020>

маълумотлари

асосида муаллиф томонидан тузилган.

Халқаро туризм ташкилоти экспертлари тадқиқотлари натижаларига кўра, глобал даражада хорижий туристик оқим ҳажми пандемиядан аввалги даврдаги кўрсаткичга қайтмай туриб, мамлакатлар миллий туризм индустриясининг ривожланиш кўрсаткичларини 2019 йилги кўрсаткичга қайтаришнинг иложи йўқ. Амалга оширилган ҳисоб-китобларга кўра, 2024 йилда Осиё ва Тинч океани минтақаси мамлакатларида миллий туризм индустриясининг пандемиядан аввалги кўрсаткичнинг 69 фоизини таъминлашга эришиш мумкин бўлади (2-расмга қаранг). Ушбу ҳолат пандемиядан кейинги даврда халқаро туристик оқим таркибида табиий-экологик мақсадларда туристик саёҳат қилиш истагида бўлган экотуристлар сонининг кескин ортганлиги билан изоҳланади. Айнан Осиё ва Тинч океани минтақаси мамлакатлари тиббий-рекреацион ва табиий-экологик экотуристлик ресурсларга бойлиги билан бошқа мамлакатларга нисбатан ажралиб туради.

Коронавирус пандемияси шароитида экологик туризм соҳасида қуйидаги тенденциялар кўзга ташланди:

- экотуристлик хизматлар кўрсатиш жараёнлари тўхтатилди;
- экотуристлик объектлар ташриф буюрувчилар учун ёпилди;
- иш ўринлари сони қисқартирилди;
- таъминот занжирида узилишлар вужудга келди.

Халқаро ташкилотлар экспертлари «Covid-19» инқирози экотуристлик хизматлар кўрсатиш соҳасига бир вақтнинг ўзида ҳам ижобий ҳам салбий таъсир кўрсатганлигини таъкидлашмоқда. Уларнинг фикрича, коронавирус пандемияси сабабли экотуристлик объектларга ташриф буюрувчиларнинг сони кескин камайиши атроф муҳитнинг ифлосланиш даражасини сезиларли даражада қисқаришига олиб келганлиги инқирознинг соҳа ривожланишига ижобий таъсир сифатида баҳоланса, салбий таъсир сифатида даромадлар ҳажмининг қисқариши экотуризм соҳасидаги молиявий муаммоларни келтириб чиқарганлиги таъкидланмоқда.<sup>13</sup>

Шу ўринда таъкидлаш жоизки, коронавирус пандемияси шароитида глобал даражада қатъий карантин чора-тадбирларининг ўрнатилиши натижасида инсонларнинг атроф-муҳит билан алоқаси сезиларли даражада камайди. Жумладан, транспорт воситалари қатновларига, фуқароларнинг заруратсиз кўчага чиқишларига ўрнатилган чекловлар нафақат атроф-муҳитнинг ифлосланиши, балки, атмосферага чиқадиган зарарли газлар ҳажмини ҳам кескин камайишига олиб келди. Натижада экотуристлик ресурсларни сезиларли даражада қайта тикланишига эришилди.

Жаҳон соғлиқни сақлаш ташкилоти (ЖССТ) маълумотларига кўра, пандемияга қадар бўлган даврда глобал даражадаги ҳавонинг ифлосланиш даражаси халқаро меъёрлардан 2,5 баробарга ортиб кетганлиги натижасида, жаҳондаги 12,5 фоиз ёки ҳар саккиздан битта ўлим ҳолати айнан экологик муаммолар билан боғлиқ бўлган. Жумладан, атмосферага заҳарли газларнинг чиқиш ҳажмининг ортиши инсонлардаги нафас йўли, онкологик касалликлар билан биргаликда, нуқсон билан туғиладиган чақалоқлар сонининг ортишига олиб

<sup>13</sup> Методологическое пособие «Адаптация объектов сельского и экотуризма к последствиям пандемии Covid-19. Аналитика и успешные практики Европы и России» - Москва: АНО «АРСИ», Экоцентр «Заповедники», 2022. – 108 с.

келган.<sup>14</sup> Юқоридагиларни инобатга олган ҳолда, бугунги кунда экотуризмни ривожлантириш нафақат мамлакат иқтисодиёти, балки, инсоният ҳаёти учун ҳам фойдали жиҳатлари мавжуд, деган хулосага келиш мумкин бўлади.

Коронавирус пандемиясининг глобал даражада авж олиш кўрсаткичлари босқичма босқич пасайиб бориши натижасида 2020 йилнинг III чорагининг охирларидан бошлаб ўрнатилган қатъий карантик чекловлари сезиларли даражада юмшатила бошланди. Натижада мамлакатлараро чегаралар очилиб, туристлар учун саёҳат қилиш имкониятлари қайта тақдим этила бошланди. Бу эса халқаро туристик оқим ҳажмининг аста секинлик билан жонланишига олиб келди.

Халқаро туризм ва саёҳат кенгаши томонидан кейинги йилларда халқаро туристик хизматлар бозорида нафақат экотуристлар учун балки бошқа туристик мақсадларда саёҳат қилаётганлар учун ҳам атроф-муҳитни ҳимоялаш ва экологик хавфсизликни таъминлаш бўйича меъёрларни ишлаб чиқиш ва уларга қатъий амал қилиш тавсия этилган. Жумладан, «Covid-19» пандемиясидан кейинги даврда халқаро туристик оқим ҳажмида экотуристик мақсадлардан бошқа мақсадда туристик саҳатни амалга оширган туристларнинг 73,0 фоизи туристик саёҳат давомидан экотуристик хизматлардан фойдаланишган. Бу эса экотуристик хизматлар кўрсатиш соҳасида иш ўрнига нисбатан қўйилган касбий билим, кўникма ва малакалар бўйича талабларнинг ортиши натижасида ушбу соҳада банд бўлганларнинг 68 фоизини малакасини ошириш заруриятини вужудга келтирган. Шунингдек, экотуристик хизматлар кўрсатишда инновацион экотехнологиялардан фойдаланиши атмосферага чиқадиган CO<sup>2</sup> гази ҳажмини 8,0 фоизга, инсонларнинг атроф-муҳитга, жумладан, флора ва фауна дунёси учун хавф туғдириш ҳолатларини 50 фоизга камайтиришга олиб келган.<sup>15</sup>

Коронавирус пандемиясидан кейинги даврда халқаро туристик оқим ҳажмида экотуристик саёҳат қилиш истагида бўлган туристлар сони сезиларли даражада ортиши натижасида айрим экотуристик объектларга ташриф буюрувчи экотуристлар сони деярли 2,0 баробарга кўпайиб, экотуристик объектларга рекреацион юкнинг ортиб кетишига олиб келди. Пандемиядан кейинги даврда кузатилган бундай тенденциялар натижасида экотуристик хизматлар кўрсатиш соҳасида қуйидаги муаммолар вужудга келди:

- экотуристик хизматлар кўрсатиш ва экотуристларнинг ҳордиқ чиқаришини бошқариш қийинлашди;
- жамоат жойларида ҳаракатланишда карантин талабларига риоя қилишни назорат қилиш;
- экотуристик объектлар, жумладан, махсус қўриқланадиган табиий боғлар, рекреацион экотуристик объектларда экотуристларнинг рухсатсиз ҳаракатланиши ва атроф-муҳитнинг ифлосланиши даражасининг ортиши;
- илк марта экотуристик саёҳатга чиққан туристларнинг сонини кескин ортиши натижасида етарли даражадаги табиат ва атроф-муҳит ҳақидаги билимга

<sup>14</sup> World health statistics 2018: monitoring health for the SDGs, sustainable development goals. World Health Organization. Luxembourg – 2018. 86 p. <https://apps.who.int/iris/bitstream/handle/10665/272596/9789241565585-eng.pdf>

<sup>15</sup> Wyman O. To Recovery & Beyond: The Future of Travel & Tourism in the Wake of Covid-19. World Travel & Tourism Council. September 2020. – 46 p. URL: <https://wtcc.org/initiatives/to-recovery-beyond>

эга бўлмаган экотуристар томонидан биринчи тиббий ёрдам ва қидирув-қутқарув ишларига бўлган талабнинг ортиши.<sup>16</sup>

Юқоридаги ҳолатларни инобатга олган ҳолда айтиш мумкинки, халқаро туристик хизматлар бозорида экотуристик хизматларга бўлган талаб ҳажмининг кескин ортиб бориши ушбу хизматлар кўрсатиш амалиётини такомиллаштириш билан биргаликда, экотуристик ресурслардан оқилона фойдаланиш заруриятини оширади. Бу эса экотуристик хизматлар соҳасига инновацион экотуристик техника-технологияларни жорий қилиш ҳажмини оширишни талаб этади.

Халқаро даражада консалтинг хизматлари кўрсатиш билан шуғулланувчи «McKinsey & Company»<sup>17</sup> томонидан коронавирус пандемиясидан кейинги даврда туризм соҳасини ривожланиши, жумладан, туристик оқим ҳажмида вужудга келган таркибий ўзгаришларни инобатга олган ҳолда, 24 та мамлакатга 100,0 млрд. долл. ҳажмдаги молиявий ресурсларни туризм индустриясига бевосита алоқадор бўлган соҳаларга, 300,0 млрд. долл. ҳажмдаги инвестицияларни эса туристик хизматлар кўрсатишга бевосита алоқадор бўлган соҳаларни молиялаштиришга йўналтирди. Шу билан биргаликда, компания экспертлари томонидан коронавирусдан кейинги даврда миллий туризм индустриясини молиялаштириш амалиётини тубдан такомиллаштириш билан биргаликда, соҳага жалб этилаётган инвестициялар ҳисобидан туристик хизматлар кўрсатиш амалиётини инновацион экотехнологиялар билан қуроллантириш тавсия этилмоқда.<sup>18</sup>

## 5. Хулосалар

«Covid-19» пандемиясининг халқаро экотуристик хизматлар бозорига таъсирини баҳолаш мақсадида ўтказилган тадқиқотлар натижасида қуйидаги хулосалар олинди:

- пандемия шароитида мамлакатлараро чегараларнинг ёпилиши натижасида халқаро туристик хизматлар бозорида талаб ҳажми кескин пасайиб кетди ва натижада кўплаб иш ўринлари йўқотилди;

- коронавирус пандемияси инсон саломатлигига салбий таъсир кўрсатганлиги сабабли, пандемиядан кейинги даврда халқаро туристик оқим ҳажмида экотуристик хизматлардан фойдаланишга бўлган талаб орта бошлади;

- илк маротаба экотуристик хизматлардан фойдаланувч сайёҳлар сонининг кўпайиши экотуристик объектларда биринчи тиббий ёрдам ва қутқарув-қидирув ишларига бўлган талабнинг ортишига олиб келди. Ушбу ҳолат экотуризм истеъмолчилардан тегишли даражадаги экологик таълим, тарбия ва маданиятга эга бўлишни талаб этишини яққол намоён қилди;

- халқаро туристик оқим ҳажмида экотуристар сонининг ортиши экотуристик ресурслардан фойдаланиш бўйича юкнинг ортишига олиб келди ва натижада экотуристик хизматлар кўрсатиш самарадорлигини ошириш зарурияти

<sup>16</sup> Методологическое пособие «Адаптация объектов сельского и экотуризма к последствиям пандемии Covid-19. Аналитика и успешные практики Европы и России» - Москва: АНО «АРСИ», Экоцентр «Заповедники», 2022. – 108 с.

<sup>17</sup> <https://www.mckinsey.com/>

<sup>18</sup> Constantin M., Saxon S. Yu J. Reimagining the \$9 trillion tourism economy – what will it take? // McKinsey & Company. Travel, Logistics & Infrastructure. 05.08.2020. URL: <https://www.mckinsey.com/industries/travel-logistics-and-infrastructure/our-insights/reimagining-the-9-trillion-tourism-economy-what-will-it-take>



вужудга келиб, ушбу соҳага инновацион экотехнологияларни жалб этиш лозимлигини кўрсатди;

- экотуристтик мақсадлардан бошқа мақсадда туристик саёҳатга чиққанлар ҳам туристик саёҳатни амалга ошириш даврида экотуристтик хизматлардан фойдаланиш ҳолатлари сони кўпайди. Шу билан биргаликда, халқаро ташкилотлар экспертлари томонидан бошқа турдаги туристик хизматлар кўрсатиш амалиётига ҳам экотуристтик стандартларни жорий этиш тавсия этилмоқда;

- пандемиядан кейинги даврда экотуристтик хизматларга бўлган талабнинг ортиши соҳада мавжуд иш ўринлари бўйича малака талабларининг такомиллашувига олиб келди.

### Фойдаланилган адабиётлар рўйхати

1. Названы тренды мирового туризма в 2023 году. Ассоциация Туроператоров. 02.03.2023 г. [Электронный ресурс]. URL: <https://www.atorus.ru/node/51583>
2. Мошняга Е.В. Основные тенденции развития туризма в современном мире // Вестник РМАТ. 2013. № 3. С. 20-34
3. Ростуризм разработал комплекс мер для спасения отрасли // Ежедневная электронная газета Российского союза туриндустрии. 14.04.2020 г. [Электронный ресурс] – URL: [https://ratanews.ru/news/news\\_16042020\\_3.stm](https://ratanews.ru/news/news_16042020_3.stm)
4. Логунцова И.В. Индустрия туризма в условиях пандемии коронавируса: вызовы и перспективы // Государственное управление. Электронный вестник. Выпуск № 80. Июнь 2020 г. С. 49-65. . [Электронный ресурс] – URL: [http://e-journal.spa.msu.ru/uploads/vestnik/2020/vipusk\\_\\_80.\\_ijun\\_2020\\_g./problemi\\_upravlenija\\_teorija\\_i\\_praktika/loguntsova.pdf](http://e-journal.spa.msu.ru/uploads/vestnik/2020/vipusk__80._ijun_2020_g./problemi_upravlenija_teorija_i_praktika/loguntsova.pdf)
5. Туризм (мировой рынок) [электронный ресурс] дата публикации 2023/02/03  
[https://www.tadviser.ru/index.php/%D0%A1%D1%82%D0%B0%D1%82%D1%8C%D1%8F:%D0%A2%D1%83%D1%80%D0%B8%D0%B7%D0%BC\\_\(%D0%BC%D0%B8%D1%80%D0%BE%D0%B2%D0%BE%D0%B9\\_%D1%80%D1%8B%D0%BD%D0%BE%D0%BA\)#.D0.9E.D0.B1.D1.8A.D0.B5.D0.BC\\_.D1.80.D1.8B.D0.BD.D0.BA.D0.B0](https://www.tadviser.ru/index.php/%D0%A1%D1%82%D0%B0%D1%82%D1%8C%D1%8F:%D0%A2%D1%83%D1%80%D0%B8%D0%B7%D0%BC_(%D0%BC%D0%B8%D1%80%D0%BE%D0%B2%D0%BE%D0%B9_%D1%80%D1%8B%D0%BD%D0%BE%D0%BA)#.D0.9E.D0.B1.D1.8A.D0.B5.D0.BC_.D1.80.D1.8B.D0.BD.D0.BA.D0.B0)
6. Tourism back to 1990 levels as arrivals fall by more than 70 %. UNWTO. 17 Dec. 2020. <https://www.unwto.org/news/tourism-back-to-1990-levels-as-arrivals-fall-by-more-than-70>
7. Tourism set to return to pre-pandemic levels in some regions in 2023. UNWTO. 17 Jan. 2023. <https://www.unwto.org/news/tourism-set-to-return-to-pre-pandemic-levels-in-some-regions-in-2023> маълумотлари асосида муаллиф томонидан тузилган
8. Babii A., Nadeem S. Tourism in a Post-Pandemic World. International Monetary Fund. 26 Feb. 2021. URL: <https://www.imf.org/en/News/Articles/2021/02/24/na022521-how-to-save-travel-and-tourism-in-a-post-pandemic-world>
9. Kozlov D.A. Tourism Forecasting. / Textbook. – Seattle: Kindle Direct Publishing, 2021. – 115 p.

10. Impact Assessment of the Covid-19 Outbreak on International Tourism. UNWTO. URL: <https://www.unwto.org/impact-assessment-of-the-covid-19-outbreak-on-international-tourism#:~:text=Export%20revenues%20from%20international%20tourism,from%20US%241%2C300%20in%202020> маълумотлари асосида муаллиф томонидан тузилган.
11. Методологическое пособие «Адаптация объектов сельского и экотуризма к последствиям пандемии Covid-19. Аналитика и успешные практики Европы и России» - Москва: АНО «АРСИ», Экоцентр «Заповедники», 2022. – 108 с.
12. World health statistics 2018: monitoring health for the SDGs, sustainable development goals. World Health Organization. Luxemburg – 2018. 86 p. <https://apps.who.int/iris/bitstream/handle/10665/272596/9789241565585-eng.pdf>
13. Wyman O. To Recovery & Beyond: The Future of Travel & Tourism in the Wake of Covid-19. World Travel & Tourism Council. September 2020. – 46 p. URL: <https://wtcc.org/initiatives/to-recovery-beyond>
14. Constantin M., Saxon S. Yu J. Reimagining the \$9 trillion tourism economy – what will it take? // McKinsey & Company. Travel, Logistics & Infrastructure. 05.08.2020. URL: <https://www.mckinsey.com/industries/travel-logistics-and-infrastructure/our-insights/reimagining-the-9-trillion-tourism-economy-what-will-it-take>

Copyright: © 2024 by the authors. This work is licensed under a Creative Commons Attribution-4.0 International License (CC - BY 4.0)

